

HEADLINES

- ۱۔ لیفٹیننٹ گورنر منوج سنہا نے وزیر اعظم تے وزیر خزانہ غا جی ایس ٹی اصلاحات ور شکریو ادا کی و تے کہیو اس تین نکہ بہت چھوٹا تے درمیانہ درجہ گا کاروباریاں تے کساناں نانہ فائدو پجے گو۔
- ۲۔ جی ایس ٹی کونسل نے شرحاں مانہ تبدیلی غی منظوری دتی جس تیں عام آدمی تے مزدور صنعتعاں نانہ راحت لبے غی۔
- ۳۔ وزیر اعلیٰ عمر عبداللہ نے گلو ہماچل پردیش مانہ متی کھسکن غا حادثہ مانہ ضائع ہوئی جاناں ور افسوس ظاہر کیو ہے۔
- ۴۔ جموں سرینگر قومی شاہراہ مغل سڑک تے سنتھن سڑک مسلسل بند ہیں تے بحالی غو کم جاری ہے۔
- ۵۔ خراب موسم مٹی کھسکن غے باعث شری ماتا ویشنو دیوی یاترا اج 10 ویں تہاڑے وی معطل رہی۔

LG GST REFORMS

لیفٹیننٹ گورنر منوج سنہا نے وزیر اعظم نریندر مودی تے وزیر خزانہ نرملا سیتا رمن غا نوا دور غا جی ایس ٹی اصلاحات ور شکریو ادا کیو ایک پوسٹ مانہ اُنہاں نے کہیو وزیر اعظم نریندر مودی جی تے وزیر خزانہ نرملا سیتا رمن جی غو دل تیں شکریو اصلاحات نکہ بہت چھوٹا تے درمیانہ درجہ گا کاروباریاں تے کساناں نانہ ضبوط بناوے گو۔ صنعتی پیداوار نانہ تیز کرے غو عوام غی زندگی تے کاروبار کرن مانہ آسانی پیدا کرے غی تے ماری معشیت غی ترقی نانہ مزید مضبوط بناوے غی۔

GST REFORMS HAILED

ریایس ضلع غا رہائشیاں تے تاجراں نے حکومت غی طرفوں اعلان کردہ جی ایس ٹی ریت مانہ کمی غو خیر مقدم کیو ہے مقامی لوکاں نے اُمید ظاہر کی کہ اس فیصلہ تیں چھوٹا کاروباریاں دکانداراں تے صارفین نانہ بڑھی راحت لبے غی۔ مقامی تاجراں غے مطابق نوا ٹیکس سلیب تیں ضروری اشیاء تے خدمات غو بوجھ کھٹ وے غو تے اشیاء عام آدمی واسطے زیادہ سستی ہو جیں غی تاجراں غو کہنو ہے کہ جی ایس ٹی ریٹ مانہ کمی تیں علاقہ غی اقتصادی سرگرمی دوبارہ بہتر ہو جیں غی جھڑی پچھلا گُجھ مہیناں تیں کراب موسم تے رابطہ غی مشکلات سنگ متاثر رہی ہے۔

GST REFORMS

جی ایس ٹی کونسل نے عام آدمی مزدور ور مبنی صنعتاں کساناں تے زراعت صحت
ت معشیت غا اہم شعباں نانہ مدنظر رکھتا واں شرحاں مانہ کمی غی منظوری
دے دتی بے گزشتہ رات نوی دہلی مانہ ذرائع ابلاغ سنگ گل کرتا واں وزیر خزانہ
نرملا سیتا رمن نے کہی وکہ عام تے درمیانہ طبقہ گا لوکاں غی استعمال غی چیزاں
ور جی ایس ٹی نانہ 18 فی صد تے 12 فی صد تیں کھٹا غے 5 فی صد کردتو گیو بے
بالواسطہ ٹیکس ٹھانچہ نانہ آسان بناتا واں جی ایس ٹی کونسل نے موجودہ چار
سلیب ختم کرغے صرف دو سلیب رکھیا ہیں ۱۲ فی صد تے 28 فی صد غی شرح
ختم کردتی گئی بے جد کہ 5 فی صد تے 18 فی صد غی شرح برقرار رکھی گئی بے یاہ
تمام تبدیلی اس مہینہ غی 22 تاریخ تیں نافذ کی جے غی۔

CM KULLU LANDSLIDE

وزیر اعلیٰ عمر عبداللہ نے ہماچل پردیش غا گُلو مانہ پسی پین غا بالمناک واقعہ ور
افسوس غو اظہار کیو بے جس مانہ جموں کشمیر غا رہائشیاں سمیت متعدد افراد
ہلاک ہوا ہیں وزیر اعلیٰ عمر عبداللہ غا دفتر گُلو مانہ مقامی انتظامیہ غا اسنگ
رابطہ مانہ بے تے ہر ممکن مدد فراہم کی جارہی بے جموں کشمیر قانون ساز اسمبلی
مانہ قائد حزب اختلاف سونیل شرما نے وی اس واقعہ ور افسوس غو اظہار کیو بے
اُنہاں نے کہیو بے کہ گُلو مانہ پسی پین سنگ بڑو دُکھ ہوو بے جس نے کئی قیمتی
جان لے لی ہیں جن مانہ جموں کشمیرگا مارا ساتھی شہری وی شامل ہیں اس درد
ناک وقت مانہ سوگوار خانداناں نال میری دلی تعزیت بے۔

IMCT

مرکزی وزارت داخلہ غی طرفوں تعینات ایک اعلیٰ سطح غی 7 رکنی بین وزارتی
مرکزی ٹیم کل شام نوی دہلی توں جموں پُجی بے تے 7 ستمبر نانہ اپنا نتائج غے
سنگ مرکزی وارا جدھانی واپس آن توں پہلا جموں خطہ غا تمام 10 ضلاع غو دورو
کرے گی آکاشوانی جموں گا نامہ نگار نے اطلاع دتی بے جے ٹیم غا سربراہ کرنل کے
پی سنگھ صلاح کار موصلات تے آپریشن غا نگران ہون غے نال قومی تباہی بارے
بندوبست اتھارٹی غا نگران وی ہیں قابل ذکر بے جے یہ ٹیم ضلع جموں سانبہ
کٹھوعہ مانہ اچ دورو کر رہی بے جدکہ ادھمپور ریاسی رامبن اضلاع مانہ 5 ستمبر
نانہ یہ ٹیم دورو لاوے گی اسے طرح کشتوار ڈوڈہ ضلاع مانہ 6 ستمبر نانہ تے ضلاع
راجوری تے پونچھ مانہ 7 ستمبر نانہ دورو کرے گی۔

HIGHWAY CLOSED

اج سویرے مہکمہ ٹریفک نے کہی وے کہ جموں سرینگر قومی شاہراہ مغل سڑک تے سنتھن سڑک اجیں وی بند ہے حالانکہ رابطو بھال کرنی کوشش جاری ہے مہکمہ ٹریفک گا ایک اہلکارا نے کہیو ہے جے جموں سرینگر قومی شاہراہ مغل سڑک سنتھن سڑک اجیں توڑی بند ہے تے جانکاری دتی ہے جے ان سڑکاں ور بحالی غو کم جاری ہے لوکاں نانہ مشورو دتو جاریو ہے جے ان سڑکاں ور سفر نہ کریں۔ محکمہ ٹریفک نے ایک بور معلومات مانہ کہیو ہے جے لوکاں غی افواہاں ور دھیان دین توں گریز کرنو چاہیے جاری کی گئی صلاح غے مطابق ایس ایس جی سڑک ور ٹریفک آسانی سنگ چل رہی ہے مسافراں نانہ درخواست کی گئی ہے کہ وہ اپنا سفر شروع کرن تیں پہلاں جموں کشمیر ٹریفک پولیس گا آفیشل ٹویٹر فیس بُک تے ٹی سی یو ہیلپ لائن غے ذریعے سڑک غی تازہ ترین صورتحال غی تصدیق کریں۔

MUGHAL ROAD RESTORATION

تاریخی مغل سڑک غی بحالی غو کم جھڑو پونچھ ت راجوری ضلع ناہ جنوبی کشمیر غا شوپیاں سنگ جوڑے حالیہ موسمی خرابی غی وجہ سنگ پسی پین تے ملبہ جمع ہون غی وجہ نال بند ہون تیں بعد اس ویلے بحالی غو کم زوراں ور چل رہیو ہے حکام نے ملبو چان واسطے بڑی مقدار مانہ مشین لادتی ہیں جس توں توقع کی جارہی ہے جے سڑک جلد ہی بحال ہو جیں گا تے گڈیاں غی آمدرفت واسطے دوباری کھل جیں غی، محکمہ غا حکام نے تصدیق کی ہے جے ملبو بتان تے سڑک گا تباہ شدہ حصہ غی مرمت واسطے بھرپور کوشش کی جارہی ہیں ایک اعلیٰ اہلکار ن دسیو ہے جے ٹیم سڑک نانہ صاف تے نقل و حمل واسطے محفوظ بنان واسطے 24 گھنٹہ کام کر رہی ہیں تے موسمی حالات مانہ بہتری آئی ہے جس نال بحالی گا عمل مانہ وی مدد لب رہی ہے۔

VAISHNO DEVI YATRA

شری ماتا ویشنو دیوی یاترا مسلسل 10 ویں تہاڑے وی خراب موسمی حالات تے یاترا غا رستہ مانہ متی گا تودا پین گی وجہ سنگ معطل رہی مسلسل پاری بارشاں نے سیلاب تے ٹھلان مانہ عدم استحکام پیدا کردتو ہے جس سنگ یاتریاں غی حفاظت نانہ شدید خطراں بین حکام نے دسیو ہے جے بحالی غو کم جاری ہے شرائین بورڈ این ڈی آرایف تے مقامی انتظامیہ غی ٹیم ملبہ صاف کرن تے کمزور حصہ نانہ مستحکم کرن واسطے 24 گھنٹہ کام کر رہی ہے تاہم عوامی تحفظ غا مفاد مانہ یاترا اس وقت تک رُکی رے غی جد تک کہ حالات بہتر نہیں ہوتا تے راستہ نانہ محفوظ قرار نی دتو جاتو

ضلعی عہدیداراں نے عقیدت منداں ور زور دتو ہے کہ وہ عارجی معطلی مانہ تعاون کریں۔

SALAL DAM

مسلسل بارشاں تے بدھتا وا پانی غی سطح غے پیش نظر حُکام نے اج سلال ڈیم گا تمام دروازہ کھول دتا ہیں تاکہ پانی غا بہاؤ ور قابو پایو جاسکے یو قدم ڈیم غی حفاظت تے آس پاس غا علاقاں نانہ محفوظ رکھن واسطے احتیاطی طور ور چایو گیو بے آبپاشی تے سیلاب ور قابو پان آلا محکمہ گا حُکام نے دسیو کہ یوہ فیصلو اوپر غا علاقاں تیں آن آلا پانی مانہ مسلسل اضافہ نانہ دیکھتا واں لیو گیو بے نچلا دیہاتاں مانہ ربن آلا لوکاں نانہ خبردار کیوگیو بے کہ محتاط ریں تے دریا غے کنارے تے نچلا علاقاں تیں دور ریں ضلع انتظامیہ نے آگات سنگ نمڑن آلی ٹیم وی تیار رکھی ہے تانجے کسی وی صورتحال مانہ فوراً مدد فراہم کی جاسکے۔

WEATHER

مقامی محکمہ موسمیات نے موسم غی تازہ ترین پیشن گوئی جاری کرتا واں کہیو بے جے اج موسم عام طور ور ابرؤلود رہی و گو تے کئی مقامات ور ہلکی تون درمیانہ درجہ غی بارش ت گرج چمک غے سنگ بارش وے گی اج تون 7 ستمبر توڑی موسم غی تازہ ترین ہدایات غے مطابق جموں صوبہ غا کُج ضلاع مانہ چند مقامات ور بارش ت گرج چمک غے سنگ بارش غو امکان ہے جموں صوبہ غا الگ تھلگ علاقاں مانہ درمیانہ درجہ غی بارش متوقع ہے 8 ستمبر غی رات تے 9 ستمبر کی سویر غے بشکار درمیانہ درجہ غی بارش غو امکان ہے اس تیں پہلاں کہ موسمی حالات بہتر ہو جیں تے 11 ستمبر غی شام تک نسبتاً مستحکم رہے گو۔

PTC ANN

علاقائی خبراں آلا شعبہ آکاشوانی جموں غی طرفوں ضلع جموں واسطے عارضی نامہ نگاراں یعنی پی ٹی سی واسطے درخواست منگی گئی ہیں۔ مجوزہ پرفارمہ ور عارضی نامہ نگار غی پوسٹ مانہ دلچسپی رکھن آلا ایسا اُمیدوار درخواست دے سکیں گا جہیزا ضلع جموں گا بسنیک ویں تے اُن غی عمر 24 براں تیں 50 براں غے بشکار وے۔ پی ٹی سی غی اس پوسٹ واسطے تعلیمی قابلیت پی جی ڈپلومہ یا صحافت غا شعبہ مانہ ڈگری یافر تسلیم شدہ یونیورسٹی تیں گرجویشن غے ہمراہ 2 براں غو صحافت مانہ تجربو مقرر کیو گیو ہے۔ اس تیں علاوہ کمپیوٹر تے ورڈ پروسیسنگ نالے خبر اکٹھی کرن آلا آلات تے میڈیا کوریج مانہ تجربو وی ضروری ہے۔ عارضی نامہ نگار غی پوسٹ مانہ دلچسپی رکھن آلا اُمیدوار واسطے لازمی ہے جے ضلع صدر دفتر جموں یا اس تیں 10 کلو میٹر غادائرہ

غے اندر ربائش پزیر وے اس سلسلہ مانہہ درخواست غی بارڈ کاپی ضروری دستاویزات
غے ہمراہ بیڈ ریجنل نیوز یونٹ آکاشوانی پنجترتھی جموں مانہہ بزات خود
آئیندہ 14 ستمبر 2025 توڑی دے سکیں۔ اس بارے مزید جانکاری ویب سائیٹ
www.newsonair.gov.in-ور دستیاب ہے۔
